

文獻叢編



文獻叢編



清高宗馬箭圖



文獻叢編第五輯目錄

清高宗馬箭圖

咤咻士喀嗎嘶噹陳親書漢文呈

徐乾學等被控狀續

年羹堯奏摺

乾隆朝文字獄沈大綬「介壽辭碩果錄」案

荷蘭國交聘案

暎咭喇國交聘案

太平天國史料

李秀成告上海松江人民文

李秀成諭劉肇均文

崑山縣貢生沈慤呈控徐

乾學元文狀

江南蘇州府崑山縣貢生沈慤具呈爲十五宦之惡貫瀾天億萬姓之益冤蔽日謹死上陳懇示應控衙門以解倒懸事崑山革職刑部尚書徐乾學休致大學士徐元文欺君假病春坊徐秉義原任御史降調按察司經歷徐樹穀現任行人司徐燭賁緣中式磨勘黜革舉人徐樹聲丁卯賁緣舉人徐樹本現犯聞案詐贓擬絞公子徐樹敏磨勘黜革舉人徐樹屏辛未賁緣進士徐樹庸奏銷黜革進士徐與喬納貢考職今冒荒革職積惡訪犯徐與華歲貢考職徐履忱壬子緣舉人徐世濂現犯嚴甫命案武舉徐錦一門十五貴權傾中外富埒王侯苟且通四方荼毒遍桑梓種種兇殘罄竹難盡前幸憲天大老爺不畏強禦白簡駁參萬民稱快咸謂沉寃得雪然叩轅叩狀者紛紛甚衆槩未准發想亦仰體聖恩寬厚不忍窮究其罪以冀深自悔悛少爲斂抑而乃益肆兇強愈行猖獗如定遠曲案嘉定聞案詐贓累萬盈千奉提過付家人姚文則藏匿不肯放出奉提過付季管家則僱嘉定縣代杖人李子仁赴審侵蝕本縣漕糧

千石現被經承高如周告發歷審情真此皆現發之欽件憲件諒難漏網其餘百姓之焦頭爛額人亡家破者不知其幾千萬萬也更可駭者自知稔惡多端難以彌縫計惟殺一仇家庶可威衆於是草菅人民無所顧忌首剗刃於本邑之嚴甫焉其發縱則用打降其爪牙則有乞丐禦諸國門囚之虎窟呼吸之間一命立斃及至地方覺察則揮霍萬金買囑屍親賁緣遮蓋又賄挽同宗武舉徐錦代爲掩飾欲圖真正人命化爲無事使冤魂飲泣於黃泉公道不彰於白晝人人喪胆戶戶寒心國家令典蕩然掃地由是抱屈負冤者皆以嚴甫爲鑒莫敢以性命爲試如慙一人六遭各宦酷炙或借假命或占田房或庇叛奴夥肆疊炙致父生員沈垠含冤身故不共深仇計共炙詐刼奪銀約千餘兩現今千金田房囑令革職前任童知縣於康熙二十八年六月間硃票吊去文契冤責家人價無毫厘趕逐出屋禍積南山冤深東海前經三叩憲轅未蒙憐准繼又奔控撫憲如石投水不得已將豪宦貪殘崑邑大害等事備具條陳又薄言逢怒當今地方有司皆其壓制監司大僚又爲徇瞻欲控告則投足無門欲叩

閹則網羅密布是豪宦之兇惡罔有窮期而小民之沈寃終無雪日也爲此不避斧鉞昧死上陳伏叩憲天大老爺俯憐湯火日迫親爲援救則萬姓立蘇或明示往何衙門告理庶再生有日謹昧死激切上呈計開抄粘本年二月呈撫憲條陳一紙總督江南江西等處憲天大老爺案下施行康熙三十年八月初三日具

抄粘撫院條陳稿並憲批條陳爲豪宦貪殘崑邑大害敢進藹藹仰祈電採事切國家設科取士本爲養萬民士子讀書登第當思勵廉隅故立朝則靖厥職居鄉則安桑梓苟有人心罔弗知也夫縉紳實從士民起家乃至今日而一登仕籍遂忘士民之苦招搖網利怙勢嚙民平昔讀聖賢書變爲陶朱公術種種貪殘有不忍言者就一省而論縉紳最盛於蘇松就兩郡而言縉紳又莫盛於崑邑且莫惡於崑邑其間雖有一二自好者羣目之爲拘謹矣獨有享科名之最榮處富貴之極勢而恣其貪壑擇人飛噬以肥家潤身可爲太息長歎者此也彼其父兄子弟滿列朝班則糾彈既所不畏故吏門生徧布四海則彌縫又

其甚便罔顧王章安知清議而且有縉紳則有縉紳之宗族姻戚有縉紳則有縉紳之狼僕打降有縉紳則有縉紳之門生清客以及附勢趨炎之土官猾吏憑恃威靈蠅營狗苟相與生事害民罔不吸精敲隨於是宗族姻戚即縉紳之耳目也狼僕打降即縉紳之爪牙也門生清客土官猾吏即縉紳之心腹羽翼也嗟乎鄉黨出一縉紳不啻有數十百縉紳以爲之助而欲溫飽之家安其食息寧成得乎以人命言之苦主投縉紳則假命成真兇身之身家立盡矣乃以兇身投縉紳籍其家產收之宇下則真正人命竟沉海底是縉紳而殺人無忌者也以盜賊言之小竊小偷供係某宦家人則縣官不敢問矣乃矣真正奸宄輦贓投庇人亦莫敢誰何是縉紳而萑苻爲市者也以風化言之奸淫事露投托縉紳則蕩婦可目爲貞姬綏狐反指爲良士是縉紳而藏奸誨淫者也他若某人家道殷實則曰是曷不隸予門下一朵頤而囊篋胥傾矣某人住居幽雅則曰是曷不爲吾別業一拂慾而椽瓦無存矣頓起青天之雷倏生無風之浪由是人無安枕戶不貼席罹其荼毒含怒難言不得已而告之地方有司地方

有司則平日奉縉紳如父母事縉紳若天帝方依之以保官爵求薦剡者也安敢料虎鬚哉故寧得罪於百姓不敢得罪於縉紳而反責言者薄言往愬適以逢彼之怒也又不得已而告之監司大僚監司大僚或顧瞻國體恐興大獄則躊躇而不敢發矣或優卹衣冠冀其悔悟則留中而不忍問矣或推念交情全其體面則浮沉而不肯准矣民於是呼天弗應叩閭無路惟有飲泣吞聲唧恨重泉而已矣豈非縉紳莫惡於崑邑而崑邑至縉紳又莫惡於極富極貴者乎恭遇憲公祖大老爺躬膺簡命出撫江左辭朝之日煌煌天語首以江南鄉紳爲諭東南萬姓再生有日一二豪強望風知戢第前此沉寃小民尙未伸雪且若輩貪惡性成能保其死灰之不復燃乎憲天下車之初士民之負寃求伸扳轅唧狀者何啻千人而條陳公事之外凡有關於縉紳者皆未即見施行將毋謂吳下之民刁險成風事無大小必加體訪而後行耶夫吳民固健訟第思小民之與豪宦卵石攸分勢不敵也苟非身受奇寃其敢以虛詞賈禍乎伏見憲檄凡陳地方利弊者無不獎許優容今日之豪宦貪殘正地方之第一大病也

奚忍之而不言歟故敢竭區區之誠上達憲聽抑有說焉條陳之進大率土官學霸居多彼既與縉紳爲羽翼心腹則貪殘之害非不敢言即不肯言何則言之而數其惡則身履不測夫是故不敢言也言之而道其實則與有罪焉夫是故不肯言也慤一介書生閉戶自好爲地方起見不避斧鉞敢陳狂瞽以備一得伏乞憲公祖大老爺俯賜電照憫萬姓之顛危救一方之荼苦或從告發或從廉訪按其惡跡列之白簡鋤一儆百使貴室泥樓豪家破柱世風幸甚蒼生幸甚上陳康熙三十年二月日具

撫院鄭批許條陳便知地方利弊多准狀便開地方刁風且不先自治而治人是開聚訟之門也即以爾身計之兩次放告而兩被人言姑存而不論者所以養斯文興廉讓也今閱條陳詞內亦可謂盡情盡致在余意則以爲正己而物自正關節不通何畏乎豪強何憂乎勢宦旣往不咎來則自止可謂簡捷之極若事在不赦自有國法又何容輕重於其間也

嘉定縣民人秦五呈控徐乾學狀

蘇州府嘉定縣十六都冤民秦旋報告秦五具告爲陷斬六命抄槍一家控轅釀禍哭轅救禍事崑山縣徐尙書一門九貴半朝變駕奴僕勢如獅吼書帖遵于聖旨痛旋世居崑山縣苦掙菜區果珍二字圩命田一百伍十七畝瓦房一所禍夾宦田虎債盤算恃勢偏攬釘占田房逐居嘉邑俱管帳豪奴徐仰田經手今八月銜冤奏憲未蒙批准窺身赴告致伏弑機以圖滅口八月初三日乘宦僕高辰在孫玉家飽食牛肉赴水張斷受寒腹脹病故醫生孟建功鄭陽等現輻輳毒謀捏抱弟秦小六旋子秦玉秦工秦太姪秦定秦安等打死辰命誣誑署縣內稱打折兩臙骨以致斃命即至驗傷並無半點縣懼宦勢遵拏寀獄文申各憲豈於八月初十日子夜公子徐四爺飛駕械船二十隻統部梟狼僕高已徐音等百兇喝僕上屋先拆門面剛又刀斧殺入後堂拋磚擲瓦聲如地裂天崩倒篋傾箱慘逾兵屠盜劫妻孥驚竄鷄犬不留地鄰朱忠等不敢救證失單粘電可憐溫飽小民晚尙連楹屋宇明日無地棲身旋幸從狗竇逃命奏冤切思人命例由府縣府縣枉斷方許控憲泣今宦勢如潮府縣凜遵一門六

命死期可必况宦之門生乾兒同年故舊整百盈千螻蟻小民何難夷族真正
冤上加冤非憲莫救血奏憲天大老爺飛檄親提救出火坑一門再活泣血上
告總督江南江西部院大老爺施行康熙三十年九月初二日

計開

門道屋伍間

拆毀二間打碎大門兩扇屏門六扇打倒磚壁六槩檯壹隻櫈兩張盡爲
釐粉

中堂伍間

打碎大門兩扇窻八扇失檀香觀音一尊銅香爐一個錫蠟杆一對打碎
八仙檯肆隻交椅十二把打碎家堂一個祖神主牌八個搬入坑廁打碎
書桌兩張屋上瓦踏碎屋未毀

側廂東西共六間

扒倒灶頭一付打碎鍋子三隻碗一百有零櫃一具檯二隻水缸兩隻西

米間米八石撇踏鋪地未失西間大酒缸六隻打碎四隻失花三包約二百觔

後堂屋伍間

東房打碎門一扇箱子兩隻失皮箱三隻內紬衣六件緞剪衣二件白裙三條布被四條桃紅紬被一條布衣男女新舊共二十三件失頭面篋一個內金寶簪一對珠十粒珠帽一個計珠一百零七粒銀橫簪一隻八錢銀扁方一隻六錢伍分失白布十二疋大青布三疋錢一千七百文後小屋伍間未被拆毀餘瑣細物件不敢冒瀆

休寧縣民人吳淇呈控徐乾學狀

具稟徽州府休寧縣民吳淇稟爲官宦監蠹冒旨挾騙冤沉黑海事淇胞弟吳澎緣因乙卯年與趙宦構訟致安撫題參十七年蒙大部駁奉旨減等事出皇恩本年秋有勢宦徐乾學出遊安府指撫院嚇詐差虎僕沈大爺等吩咐現任司獄楊士弘稱云吳澎事一案要獻銀萬兩方准遵旨否則可以返覆旨議身

弟傷弓之鳥豈不畏死隨交白銀五百兩洞板二副計本一千二百兩象箸一百二十把計本九十六兩典衣沉香計本二百兩楊士弘等付證復差沈大爺謝鼎臣王道等至蕪兼稱部吏嚇詐四弟吳沆付白銀六百兩紬緞二百三十疋計本六百兩蘇木二十担計本一百六十兩蕪關書契三紙押抵銀六百兩撫院標員程虞瑞等證可審十九年二十三年將關租二回子母還清取回書契仍詐銀六十兩有沈遠公立券現證二十七年身祖與周人辦事租約現證尙子卜可審沈大爺又到徽嚇詐胞兄吳融銀三百兩書屋一所契紙押銀七百兩各處供應苦不可計更有黨宦汪震元北京指徐又詐大號丁娘子色布一千四百六十疋計本一千六百零六兩伊叔汪富親筆單帳證如此屠毒可憐身等安慶當店蕪湖緞店北京布業家產盡騙一空含冤莫伸突今九月十六日有徐宦虎僕王道胆大包天竟不畏法帶領多人假造僞契公行至關辦事盈千疊萬疊詐無休淇知權勢半出徐門樹敵即死明良合德公道尤存淇雖蟻命豈不貪生但痛骨入髓粉身莫怨匍叩大老爺恩准親提題奏正法民

冤有主上稟總督江南江西部院大老爺施行

被犯沈大爺

名楊士弘知住崑山縣徐乾學掌家

汪震元

廣東糧道丁憂係徽州人住蘇州閶門吳趨坊

王道等

現住蕪湖河南王實菴家

干證楊士弘

現安臬司獄司

楊慶支

俱住安慶府

程虞瑞尚子卜

俱住蕪湖

計粘單一紙

康熙三十年十月十八日原稟民吳洪

住上元縣前陳四家

沈大爺等安慶當店詐物單楊士弘等付證現銀五百兩洞板二副計本銀

一千二百兩典衣七十件沉香十五斤共計本銀二百兩象箸一百二十把

計本銀九十六兩王道沈大爺謝鼎臣等蕪湖詐物單程虞瑞付證現銀六

百兩色緞四十五連縐紬紗二十卷色紬一百疋色紗五十五疋屯絹十疋

共計本銀六百兩蘇木二十担計本銀一百六十兩書缺契三紙計押銀六

百兩北京汪震元詐布單伊叔汪富證捫青六百四十八疋深藍九十九疋

淺藍一百四十九疋月白一百零九疋翠藍一百零八疋真青七十二疋羊

絨十疋白布四疋油綠一百二十疋京藍一百四十一疋共計本銀一千六

百零六兩徽州沈大爺詐吳灝現銀三百兩書屋一所契一紙押抵銀七百

兩

崑山縣民人倪培呈控徐爾公等狀

江南蘇州府崑山縣天區寃民倪培具呈爲江南第一奇寃號憲亟救沉淪事
豪奴吳漢周徐爾公占人田奪人房拆人妻謀人財攫肥噬富罔問國法假威
炙獻何有官常江南湯火天日俱昏痛培清白株守詩書遺訓惡規可啖念四
年巧借七旬老病之隣人楊明病故謀造兩月前曾爲培家犬吠所驚駕陷命
詞袖投囑縣籤票四出抄培窰窟挽腹戚杜賢說合聲勢嚇奕死生立判逼賣
田房勘寫借券指獻徐公子銀三百念三兩徐春坊銀一百二十兩衙門宅門
使用銀六十六兩杜賢經手吳漢周徐爾公手受范仲李韜徐潤見證飛殃屠
命害切剝膚痛心刻骨歷控各憲官勢相庇沉寃無路今幸憲天大老爺總制
兩江龍圖再世除元惡以彰國典解倒懸以慰民望復見天日盆寃得雪爲此
瀝血哭控伏乞憲天大老爺立賜親提追眞職斬大慙萬代洪恩一字虛甘寸
磔激切上呈

計開

被呈吳漢周徐爾公

應審杜賢

干證范仲李韜徐潤

總督江南江西等處部院大老爺施行康熙三十一年正月二十七日具

太倉州孀婦張氏呈狀

蘇州府太倉州孀婦張氏抱呈民張蘭亭具呈爲豪宦滅旨籍產斬嗣下控線
靈寃號憲斬事伏讀部文惡棍鄉紳不許家人子弟佔人田房奪人妻女四海
咸遵獨憲訪汪定嗣即汪四韃子嫡姪汪偉等一門三虎倚窩恃勢再投崑山
太使徐府門下鷹犬如虎添翼殺佔橫行痛氏夫亡守節遺有膳田三十二畝
樓房一所坐落一都地方養生送死豪欺孤寡謀佔無由上年四月間霹陷僕
婦爲由捉拏豪穴私刑拷打逼獻前產僉踞爲業慮男葛辰活口慘被謀滅生
死無踪葉明等證控州宦帖註銷控府批赴州控上下蔽寃不究孤產被吞宗